



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 54. Seditiosi Calvinistarum tumultus contra Jacobum II. Angliæ Regem.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

bergam, Manheimium, Franckentha-  
 liam, omnemque cis Rhenanum Pala-  
 tinatum intra bimestre subegit: Sola  
 Confluentia ignivomos Gallorum im-  
 bres elusit, foede quidem devastata,  
 nunquam tamen suo Principi erepta:  
 Ut ergo inhumanis æque ac rapidis  
 Provinciarum infestationibus valide  
 occurreretur, nova foedera conquirere,  
 ac militares Imperii copias contra Tur-  
 cam pugnantes ex Hungaria revocare  
 oportuit, eo majore rei Christianæ  
 damno, quo audacius rebellium Pro-  
 testantium Ductor Töckelius Sultanum,  
 ne pacem a Cæsare peteret, datis literis  
 dehortatus est, auroque Gallico provi-  
 sus, duodecim armatorum millia ad  
 signa vocavit, uberrimas victoriarum  
 segetes sibi pollicitus, eoquod Cæsar  
 Lotharingium Ducem & Electorem Ba-  
 varix cum exercitus sui robore ad  
 Rhenum evocasset, relicto in Hungaria  
 nonnisi Ludovico Badensi Duce cum  
 agmine novis Turcarum viribus impare.

Sæc. XVII.  
 A. C. 1688.

§. LIV.

*Seditiosi Calvinistarum tumultus con-  
 tra Jacobum II. Angliæ Regem.*

Peropportuna accidit Protestantibus  
 Anglis Gallica ad Rhenum expe-  
 ditio; cum enim Cæsar & plerique Prin-  
 cipes

Jäger hist.  
 Eccl. 1. 8.  
 cap. 4.

Sæc. XVII. cipes ac Germaniæ Ordines præcipue  
 A. C. 1688. Catholici propulsandis Gallorum copiis  
 intenti essent, necnon Brandenburgicus,  
 & Saxo Electores, atque Hassiæ, &  
 Brunsvico - Luneburgi Duces foedere  
 inter se Magdeburgi inito Belgium,  
 dum interea Auriacus Princeps cum  
 classe Batava Angliam invadere para-  
 ret, ab omni invasione tutarentur, Cal-  
 vinistæ in Anglia jam diu concepta Ja-  
 cobum Regem suum solio & Catholi-  
 cos patria deturbandi consilia exequi  
 statuerunt: Ut vero apertæ rebellionis  
 calumniam a se amolirentur, præter  
 consuetum oppressæ libertatis, Religio-  
 nisque obtentum plures alias cavilla-  
 tiones, artesque extogitarunt, ac  
 sensim & veluti per cuniculos ad ever-  
 tendum Regis thronum progressi sunt:  
 Totum querulandi argumentum erat,  
 Regem religione Catholicum, & Ca-  
 tholicis concessam esse Religionis suæ  
 libertatem, sublatamque in eos sæ-  
 viendi licentiam: propterea Regem Re-  
 gni leges evertisse, merito redarguen-  
 dum censebant, etiamsi leges pro tem-  
 porum vicissitudine abrogandi potestas  
 supremæ Principis auctoritati annexa  
 esset, ipsumque Angliæ Parlamentum,  
 necnon Ecclesia Anglicana a tempore  
 Caroli II. solio restituti sæpius decla-  
 rarit, quod illimitata obedientia Regi  
 debeat

debeatur: Fremebant tigride pejores Sæc. XVII.  
 præcipue Prædicantes Angli, postquam A. C. 1688.  
 Rex suum diploma circa conscientiae  
 libertatem hoc item anno die vigesima  
 septima Aprilis innovavit, ac Pseudo-  
 Episcopis injunxit, ut eam in cunctis  
 Ecclesiis bis per annum prælegi cura-  
 rent. Tum vero horum septem in Can-  
 tuariensis Archiepiscopi ædibus habito  
 conciliabulo palam Regis mandato ob-  
 sistere decreverunt, caussantes, se pro-  
 timidis ac hypocritis a populo haben-  
 dos, si diploma Regni legibus adeo  
 contrarium promulgarent, atque in-  
 dulgentiam, inque legibus dispensandi  
 potestatem, quam sibi Rex arroget,  
 suo calculo approbarent, seque peri-  
 culo exponerent, ne si hac occasione  
 cederent, postmodum alia Regis man-  
 data suæ Religioni magis adhuc con-  
 traria approbare cogerentur. Ceterum  
 Regis voluntati nonnisi quatuor obtem-  
 perabant Episcopi, sufflantibus autem  
 Prædicantibus ubique factum, ut,  
 dum regium diploma prælegeretur,  
 populus omnis Templo exiret: imo  
 Præconum quidam prævie populum  
 allocutus diceret, *se ad prælegendum*  
*esse obstrictum, populum vero ad audien-*  
*dum nulla lege teneri.* Horum pervica-  
 cia irritatus Rex, eos coram Regio Se-  
 natu die octava Junii adesse jussit, cum-  
*Hist. Eccles. Tom. LXV. Oo que*

Sæc. XVII. que a pristina sententia se neutiquam  
A. C. 1688. recessuros, præfracte declararent, ex  
 octodecim Senatorum sententia in Londi-  
 nensem Turrim abducebantur, ubi tamen  
 non modo populus turmatim confluens,  
 sed ipsi etiam præsidarii milites a captis  
 hisce Pseudo-Episcopis genuflexi benedi-  
 ctionem elata voce petebant, eosque vel-  
 ut Martyres honorabant: die etiam vi-  
 vigesima nona ejusdem Mensis hi  
 Præsules e custodia dimissi sunt, non  
 sine maxima Regis indignatione.  
 Tantum in fanaticos habet imperium  
 falsa etiam Religio.

§. LV.

*Carolus Walliæ Princeps recens  
 natus.*

*Salmon hist.  
 d' Angl. hist.  
 de Jac. II.  
 Rapin, l. c.*

Die decima Junii natus erat Jacobo  
 Angliæ Regi ex uxore Regina Ma-  
 ria Eleonora Eltensi, quam annis se-  
 ptem sterilem habuerat, Filius primo-  
 genitus, quem Jacobi Eduardi nomine,  
 & Walliæ Principis titulo insignitum  
 voluit. Biduo post Regius Princeps  
 Sacro fonte abluebatur, Patrinos a-  
 gentibus Romano Pontifice, Mutinensi  
 Duce, & Regina Vidua. Festivus cam-  
 panarum, tormentorumque strepitus  
 ingentem lætitiâ inde conceptam te-  
 stabatur, suas quoque gratulationes  
 adde-